

مکملہ احوال الضیاء

۱۶ نجی سنہ

جزو، عدد : ۵۴

شوال ۱۳۱۳

بیوک فرہ در یقٹ خصوصیت احوالی

[مشارالیهک کاتب خصوصیتی هاری دوقانک خاطره لرندن]

(مابعد عن جزو ۵۳)

خسته لگی کتدکجه زیاده لشدیگندن قوناق محله واصل اولدیفی زمان پک مضطرب بر حالدہ بولمقلہ برابر، ینہ عربیہ بیغامک عزمنده اصرار وثبات ایلدی. تشرین تائینک ۱۲ نجی و ۱۳ نجی گونلری ینہ حیوانہ راکب اوله رق اردونک اوگنده گتمش و ۱۴ تشرین اولده صیتمه سنه غلبه ایتمشدر .

دوقات ، قرالک خصوصیت احوالندن بحث ایتدیگی صرهدہ معیتندہ بولتمش اولان جنراللره دأر دخی شایان اهمیت خیلی معلومات ویرمشدر :

(زورندرقوف) محاربه سی اناسنده پروسیا اردوسنک صول جناحی دوچار تزلزل اولمق اوزره ایکن فرہ در یق هیجانه کله رک، مذکور جناحه طوغری شتاب و عسکره ایشتدیرجک صورتده « یارب بزه سن مرحمت ایت ! » دیو صدای بلند ایله ندا ایتمش ایدی . قرالک بوندا هیجان آورنی ایشیدن جنرال برنس موریس فون- آنهالت ، درحال سابقه سنی برهوا ایدرک « یشاسون قرالمز ! محاربه قزانلیدی » دیه باغردیغندن ، قرال برچهره تبسم ریز ایله بیان ممنونیت ایلدی . فی الحقیقه اوآنده عسکره بر شوق تازه کله رک محاربه نك طوری دکشدی .

§

قات خاطره لرینی فرہ در یقٹ مدایخنه حصرا یتیمه رک مشارالیهک بعض قصورلرینی دخی ذکر ایدیور؛ از جمله دیورکه : مشارالیه پک تیز حده گلور ایدی . بناءً علیه

فنا بر حادثه‌ی کندوسنه اخبار ایچون همان هیچ کسمده جرات بولنه‌ماز ایدی .
 کندوسی سائر بر چوق اعظم کبی رؤیایه و او قیلدن شیرده معتقد ایدی .
 برده اطعمه نفیسه‌یه پک زیاده منهک اولدیغندن کثرت مأ کولاتدن طولای
 اکثریا یتاغه دوشه‌جک راده‌ده خسته‌لوردی .

قرالک بر مراقیده بعض کیمسدرک بر قصورنی یقالیه‌رق آنکله اگلنمک ایدی .
 مثلاً، معیتی ضابطانندن یوز باشی کیشار، ازمنه قدیمه‌نک احوال عسکریه‌سی حقنده
 یازدیغی بر اثرده، روما افراد عسکریه‌سنک تجهیزندن بحث ایتدیگی صرده‌ده رومالی
 نفراتنک ازمنه جدیده افرا دینک طاشی‌یه‌میه‌جقلری مرتبه‌لرده یوکلندکلرینی بیان
 ایتمش و بو مجئده پروسیا نفرا تی دخی استنا ایتماش اولدیغندن، مؤلفک بو قولی
 فره‌دریقک حدتی موجب اولمش ایدی . برگون یوز باشی کیشاری نزدینه‌دعوتله
 برالبسه تجربه‌سنده بولنق استیورمش کبی طاورانهرق، کیشاره پروسیا غره‌نا .
 دی‌یه‌لرینه مخصوص لباسی گیدردکدن و بر غره‌نادی‌یه‌نک حامل اولدیغی اسلحه
 و سائر ادواتی تحمیل ایتدکدن صگره یاننده بولسانلردن بریله لقردی‌یه باشلار .
 یوز باشی‌نی ایکی ساعتدن زیاده او حالده آیاق اوزرنده براقدقندن و آرتق حامل
 اولدیغی بارلباسک آلتنده طاقی طاق اولدیغنی آگلا دقندن صگره لباسی چیقارمسنی
 امر ایله برابر کندوسنه مقام استهزاده « نصل ! یوز باشی افندی ! بزم نفرا تمزک
 طاشیدینی بولک، روما نفرا تنک یوکنه معادل دگلی ایش ؟ » دیر و یوز باشی‌یه پروسیا
 غره‌نادیه‌لرینک دخی خلیجه اوقه‌لی بولک طاشیدقارینی استر استمزاعتراف ایتدیرر .
 مشارالیه معیتنده کی جنراللرندن عادتا لایخطیلک طلب ایدر ایدی . بناءً علیه
 بر جنرال، ولو ادنا مرتبه وظیفه‌سنده بر قصور ایتدیکی حالده فره‌دریقک بسبتون
 گوزندن دوشردی . جنرال (و دل) قرالک او رتبه نظر نده ایدی که پک چوق
 کره سفره‌نک حاضر اولدیغی کندوسنه خبر ویرلدیگی حالده طعامه باشلامق ایچون
 جنرال و دلک ورودینه انتظار آیمگی تأخیر ایتدیردیگی گورلمشدر . ۱۷۵۹ سنه‌سی
 موسم صیفنده روسیه‌لیره قارشو محارب بولسان اردونک قوماندانی قونت دونای
 عزل ایله یرینه باش قوماندان عنوانیه جنرال ودلی نصب ایلشدی . و دل، قای

موقعى جوارنده روسيه يلردن جنرال سولتيكوف ايله ايتديكى محاربه ده مغلوب اولقله فرەدرېكك الى الابد نظرندن ساقط اولمشدر .

مير آلاى بالى ، سويدينج موقعنك محاصره سنى حسن صورته اداره ايتمش وموقعك ضبطه موفق اولمش اولديغندن ، قرال بوندن طولاي مير آلاى هر يرده ثنا ايتديكى گي ، كندوسنى ده غايت شاعرانه وبر طاقم مدايح جيله يي متضمن بر نامه ايله تلطيف ايتمشدر . اوج آي صكره اولموش محاصره سندنه موفق اولنه مامسى اوزرينه قرال بونى بالينك سوء اداره سنى عطف ايله مير آلاى حقنده فنا صورته بر بغض وحدت ابراز ايتمش وبالي يي نرينه دعوت ايله برابر حضورينه قبول ايچون بر ساعت قدر انتظار سالوننده بكتلمش وصكره بالذات سالونه كيره رك يوزى حدت وغضبندن قپ قرمى كسلىش اولديغى حالده بر طاقم زهرانك سوزلرله تويغده بولمشدر . بو صورته مير آلاى بالى هم كوزدن دوشمش وهمده اونودلش ايدى . آرەدن بر خيلى زمان كچكدن صكره بر كون قراله بالينك پك زياده خسته اولديغى خبر ويرديلر . مشاراليه مير آلايك اودن طيشارو چيقمغه قدرتى اولوب اولمديغى صوردى . چيقايلور جوانى ويرديلر . بناه عليه يانه گلنى امر ايلدى . بالى قرالك حضورينه كيرنجه كندوسنى حسن استقبال ايدرك ، گويا موجب انفعال هيچ بر حال وقوعه كلامش گي بر ايكي ساعت قدر غايت صميمي صورته مصاحبتده بولدى . مشاراليهك بو معامله سى مير آلايه بر دواى برؤالساعه يرينه قائم اولمشدر . جنرال فينك دخى قرالك فوق الغايه مظهر توجه والتفاى ايكن ماقش موقعنده بوزيله رق ديگر سكر نفر جنرال ايله گرفتار اسارت اولسى اوزرينه نظرندن ساقط اولمشدر .

بوزمق وبوزلمق نه ديمك اولديغنه هر كسندن زياده واقف اولان بوزاتاك ، عظيم بر قوت قارشوسنده دخى ، بر قوت قيسله دن مظفريت وياخود صوك درجه يه قدر مقاومت بكمسى وعكس حالنده قوماندانلره تحمیل قباحتله اظهار حدت ونفرت ايتمى غريب كورينور .

(مابعدى نسخه تاليه ده)

